

ত্ৰিপুৰা হাফাঙ
ককথুম তেই লুকুম দাগিখুঙ

স-২৪০৬

আগৰতলা, ১৮ আগষ্ট, ২০২৫

সিআৰপিএফনি গ্ৰুপ সেন্টাৰনি থীয়রিমুঙ পানদাঅ মন্ত্ৰি অকীরা

থীয়রিমানি লগি লগি সাক, সাকনি মানীয়

রিমাঅব' লুকুরগন' হজাক খীলায়না নাংনাই

খাতুঙগাঁই থীয় রিমানি তাবুক লুকুসিচামুঙনি মারি আংখা। জুদা জুদা ক্লাব, লুকুবসঙনি মথা, বদল খাতুঙগাঁই থীয় রিথানি সীকাঙগাঁই ফায়খা। চাঙ চামুঙ রিমা, রি রিমাহাই কীবাংমা লুকুবসঙনি সামুঙ তাঙগ'। আব'নি বিসিংগ' থীয় রিমা জত'নি সীলাই সাকাঅ। মোহনপুৰনি আদরনি টি অ্যাস্টেটনি সিআৰপিএফ-নি গ্ৰুপ সেন্টাৰনি থীয়রিমুঙ পানদান' চেঙগাঁই অ কক সাখা মন্ত্ৰি অকীরা প্ৰফেসর (ডা.) মানিক সাহা। রোটারি ক্লাব অফ অ্যাসপায়ারিং আগৰতলা বায় সেন্টাল রিজার্ভ পুলিশ ফোর্স-নি কীথাউই লুডাজিজাক অ থীয়রিমুঙ পানদাঅ খরক বাচিসা (৫১) খাতুঙগাঁই থীয় রিখা। অ পানদাঅ রোটারি ক্লাব অফ অ্যাসপায়ারিং আগৰতলানি আদঙ সঞ্জীব দত্ত থীয়মানি যাঙল' সাক রিনানি গসিমুঙ রিখা।

থীয় রিমুঙ পানদান' চেঙগাঁই মন্ত্ৰি অকীরা প্ৰফেসর (ডা.) মানিক সাহা সাখা, থীয়ন' হাতিঅ পায়নানি মানয়া। থীয়রিমানি বিসিংতাইন' থীয় নাংমান' সুপুঙগাঁই মান'। থীয় নাংমা তেই রিমানি বিসিংগ' বাকসা খীলায়ীই তনিনা নাংকুগ'। আব'নি বাগাঁইন' থীয়রিমুঙ তাঙবীতাং তেইব' বাথরিনা নাংনাই। মন্ত্ৰি অকীরা সাখা, সিআৰপিএফ চিনি হাকতরন' তঙকীচাঙ খীলায়ীই তনিঅ। বরগ থীয়রিমাহাই লুকুবসঙনি হামকীরাইনি তাঙবীতাং খীলায়থানিঅব' সীকাঙগাঁই ফায়জাক। অ থীয়রিমুঙ পানদান' সঙচামানি বাগাঁই ব সিআৰপিএফ বায় রোটারি ক্লাবন' হামবাই য়াফাৰখা। ব' সাখা, থীয় রিমানি লগি লগি সাক, সাকনি মানীয় রিমাঅব' লুকুরগন' হজাক খীলায়না নাংনাই। ভারত হাকতরনি য়কমুঙ মানমানি ককন' খুৰসাউই মন্ত্ৰি অকীরা সাখা, জানি লাংমা য়াফাৰমা বাই হাকতর য়কমুঙ মানখা বরগন' জত' জরান' মুইতু খীলায়না নাংনাই। বরম য়াফাৰনা নাংনাই।

থীয় রিমুঙ পানদাঅ কক নারীকখা সিআৰপিএফ-নি ত্ৰিপুৰা সেক্টরনি আইজিপি বিমল কুমার বিষ্ট, সাকহাম নাইখুঙনি দাগিফাঙ ড. তপন মজুমদার। মানজাক ফায়খা সিআৰপিএফ-নি ডিআইজিপি ওয়াই কে রাজপুত, ডিআইজিপি হেনজেং আক'সঙ। লামসগাঁই কক নারীকখা রোটারি ক্লাব অফ অ্যাসপায়ারিং আগৰতলানি প্ৰেসিডেন্ট ড. দামোদর চ্যাটার্জি। জতন' হামবাই য়াফাৰীই কক নারীকখা মথানি সেক্ৰেটাৰি বুমুর বণিক সেনগুপ্ত। পানদান' চেঙনানি সীকাঙ সিআৰপিএফ-নি বীখাকতীই মন্ত্ৰি অকীরান' গাৰ্ড অব অনাৰ য়াফাৰজাকখা।
